



Սիպիլ

Իտեալը

Լուսնին շողն է գոր կը մարե շուտ արփին,
Հուր երազ մը որ այգուն դեմ կը դեղնի,
Փայլակն է այն շանթին վաղանց գարնային,
Ծաղիկ մորուն թերթերն հովեն կը թափին:

Հուր երազ մը որ այգուն դեմ կը դեղնի,
Ծիածանին լույս ժապավենն է նրբին,
Ծաղիկ մորուն թերթերն հովեն կը թափին,
Լուրթ կամարին հյուսիսայգն է ծիրանի:

Ծիածանին լույս ժապավենն է նրբին,
Փռշտ վարդ մը որմե լանջքը կ'արյունի,
Լուրթ կամարին հյուսիսայգն է ծիրանի,
Միշտ փրշրվող ձյուն փրփուրն է քարափին:

Փռշտ վարդ մը որմե լանջքը կ'արյունի,
Փետուր մըն է թռած կուրծքեն կարապին,
Միշտ փրշրվող ձյուն փրփուրն է քարափին,
Ինչ որ հովը, օդը, ջուրը կը տանի:

Փետուր մըն է թռած կուրծքեն կարապին,
Սուրբ համբույր մը եթերին մեջ հոլանի,
Ինչ որ հովը, օդը, ջուրը կը տանի,

Իտեալն է՝ օրորն հոգվոյն մըրափին:

Սուրբ համբոյր մը եթերին մեջ հոլանի,
Կոյսն անմատոյց բոց տենչերու տարափին,

Իտեալն է՝ օրորն հոգվոյն մըրափին,
Խըռովիչ հոյլն անուրջներու պատանի:

Կոյսն անմատոյց բոց տենչերու տարափին,
Ըզմեզ կյանքին կապող ոսկի մատանի,
Խըռովիչ հոյլն անուրջներու պատանի,
Միրո երգը սրբտի խորունկ պարապին:

1898